

古今釋疑

古今釋疑卷之十一目錄

安成

楊霖竹菴訂正

吳雲舫翁參閱

十二律相生之法

變宮變徵

十二管旋相爲宮

候氣

累黍

古今樂考
周禮三宮無商唐朱二十八調無徵

俗樂

後世聲詩不傳

樂不在器

琴法

十三徽


合止祝歌

古今釋疑卷之十一

合山方



律呂相生圖



十二律相生之法

律呂相生之法。諸儒說各紛紜。管子曰。凡將起五音。

凡首。先主一而三之。四開以合九九。

一而三之。即四也。以是四開。合

於五音。九也。又九之。為八十一也。以是生黃鍾小素之首。以成宮。素本

宮八十一數。生黃鍾之宮。為五音之本。三分而益之。以一。為百有八。為

徵。本八十一。益以三分之一。二十七。通前百有八。是為徵數。○今按百有八。半之。則為五十四。有

三而去其乘。適足以是生商。乘亦三分之一也。三分百八。而去一。餘七十二。

是商之數也。有三分而復於其所。以是成羽。三分七十二。而益一分。二

十四。合爲九十六。是羽之數也。○有三分而去乘。適

今按九十六。半之則爲四十八。

足。以是成角。三分九十六。去其一分。餘六十四。是角之數也。淮南子曰。一生

二。二生三。三生萬物。三三如九。故黃鍾九寸。

因而九之。九九八十一。故黃鍾之數立。律之數六分。

爲雌雄。故曰十二鍾。以副十二月。十二各以三成。故

置一而十一三之。爲積分十七萬七千一百四十七。

黃鍾大數立焉。史記曰。律數九九八十一。以爲宮。三

分去一。五十四以爲徵。三分益一。七十二以爲商。三

分去一。四十八以爲羽。三分益一。六十四以爲角。黃

鍾長八寸七分一。宮。

七當作十。

大呂長七寸五分三分一。

太簇長七寸七分二角。

七當作十。

夾鍾長六寸一分三分

一。

一當作七。

姑洗長六寸七分四羽。

七當作十。

仲呂長五寸九

分三分二。徵。蕤賓長五寸六分三分一。

一當作二。

林鍾長

五寸七分四角。

七當作十。

夷則長五寸四分三分二。

商。四分

字衍。

南呂長四寸七分八。

徵。七當作十。

無射長四寸四分三

分二。應鍾長四寸二分三分二。羽。

按史記律數。十誤作七者。五皆用本

字而誤屈其下垂之筆。本司馬貞沈括之說。其夾雜夷三律誤字。則蔡元定以算得之。生鐘分。

子一分。丑三分二。寅九分八。卯二十七分十六。辰八十一分六十四。巳二百四十三分。一百二十八。午七百二十九分。五百一十二。未二千一百八十七分。二千二十四。申六千五百六十一分。四千九十六。酉一萬九千六百八十三分。八千一百九十二。戌五萬九千四十九分。三萬二千七百六十八。亥十七萬七千一百四十七分。六萬五千五百三十六。生鐘術曰。以

下生者。倍其實。三其法。

如黃鐘九寸。倍之則為十八。三其法。則十八為三十六。故下

生林鐘

長六寸。以上生者。四其實。三其法。

如林鐘六寸。四之則為二十四。三其

法。則二十四為三八。故上生太簇長八寸。

置一而九三之。以為法。如法得

長一寸。凡得九寸。命曰黃鐘之宮。

置子之一。而九三之。至酉則得一萬

九千六百八十三。算為子之十法矣。置子之實十七萬七千一百四十七。算而以寸法約之。則一萬九千六百八十有三。算為一寸。而通其實之全數。得九寸矣。故曰。音始於宮。窮於角。

數始於一。終於十。成於三。氣始於冬至。周而復生。京

房曰。上生下。皆三生二。下生上。皆三生四。陽下生陰。

陰上生陽。終於中呂。而十二律畢矣。劉向曰。隔七爲上生。隔八爲下生。班固律歷志曰。陽六爲律。陰六爲呂。黃鍾參分損一。下生林鍾。參分林鍾益一。上生太簇。參分太簇損一。下生南呂。參分南呂益一。上生姑洗。參分姑洗損一。下生應鍾。參分應鍾益一。上生蕤賓。參分蕤賓損一。下生大呂。參分大呂益一。上生夷則。參分夷則損一。下生夾鍾。參分夾鍾益一。上生無射。參分無射損一。下生中呂。陰陽相生。自黃鍾始。而

左旋八八爲伍。周禮鄭玄註曰。十二管相生。以陰陽六體爲之。黃鍾乾之初九也。下生林鍾坤之初六。林鍾又上生太簇之九二。太簇又下生南呂之六二。南呂又上生姑洗之九三。姑洗又下生應鍾之六三。應鍾又上生蕤賓之九四。蕤賓又上生大呂之六四。大呂又下生夷則之九五。夷則又上生夾鍾之六五。夾鍾又下生無射之上九。無射又上生中呂之下六。同位者象夫妻。異位者象子母。所謂律娶妻而呂生子。

也。下生者三分去一。上生者三分益一。五下六上。乃一終。六黃鍾長九寸。大呂長八寸二分四十三分寸之一百四。太簇長八寸。夾鍾長七寸二千一百八十七分寸之千七十五。姑洗長七寸九分寸之一。中呂長六寸萬九千六百八十三分寸之萬二千九百七十四。蕤賓長六寸八十一分寸之二十六。林鍾長六寸。夷則長五寸七百分之四十七。南呂長五寸三分之一。無射長四寸六千五百六十

一分寸之六千五百二十四。應鍾長四寸二十七分寸之二十。杜佑通典。悉本於此。蔡元定律呂新書曰。鄭說十分正寸也。史記生鍾分。因正寸。展新分。史記律數。計新分。借舊寸。今依生鍾術。約定分釐毫絲忽。皆以十爲九而止。黃鍾九寸。林鍾六寸。太簇八寸。南呂五寸三分。姑洗七寸一分。應鍾四寸六分六釐。蕤賓六寸二分八釐。大呂八寸三分七釐六毫。夷則五寸五分五釐一毫。夾鍾七寸四分三釐七毫三絲。無

射四寸八分八釐四毫八絲中呂六寸五分八釐三毫四絲六忽按鄭氏與太史公說不同太史二說又自爲異而今皆取之鄭氏之言分寸審度之正法也太史之言欲其便於損益而爲假設之權制也蓋律管之長以九爲本上下相生以三爲法而鄭氏所用正法破一寸以爲十分而其下破分爲釐破釐爲毫破毫爲絲破絲爲忽皆必以十爲數則其數中損益之際皆有餘分雖有巧歷終不能盡是以自分而下

遂不可析而直以九相乘。歷十二管。至破一寸以爲一萬九千餘分。而後略可得而記焉。然亦苦於難記而易差。終不若太史公之法。爲得其要而易考也。蓋以子爲一。而十一三之。以至於亥。則得十七萬七千一百四十七算。而子爲全律之實可知矣。以寅爲子之寸數。而酉爲寸法。則其律有九寸可知矣。以辰爲子之分數。而未爲分法。則其寸有九分可知矣。以午爲子之釐數。而已爲釐法。則其分有九釐可知矣。以

申爲子之毫數。而卯爲毫法。則其釐有九毫可知矣。以戌爲絲數。而丑爲絲法。則毫有九絲可知矣。下而爲忽。亦因絲而九之。雖出權宜。而不害其得乎自然之數。以之損益。則三分之數。整齊簡直。易記而不差也。其曰黃鍾八寸十分一者。亦倣此意也。履聞之先中丞曰。史記云子一分。丑三分二。寅九分八者。上層奇數。以三歷十二辰。皆三倍加之。所謂律參也。其下層偶數。所謂律兩也。史記云下生者。倍其實。三其法。

上生者四其實。三其法。不過陰位以倍。陽位以四而已。倍卽三分損一也。損一卽倍其實也。四卽三分益一也。益一卽四其實也。六陽辰當位自得。六陰辰則居其衝。其林鍾南呂應鍾。三呂之數在陰方。無所改。其大呂夾鍾中呂。三呂之數在陽方。則用倍數。方與十二月之氣相應。蓋陰從陽也。子寅辰。午申戌。爲陽。丑卯巳。未酉亥。爲陰。而子至巳。又爲陽方。午至亥。又爲陰方也。故漢志以六陽下生。六陰上生。而鄭蔡之

法。自癸賓午。生大呂丑。則目爲上生。正此故耳。知戌數爲黃鍾之絲。則知範疇之五十三萬一千四百四十一。乃黃鍾之忽數也。自八十一而參分損益。至中呂生子。爲二十六萬二千一百四十四。既適符律兩之四。又適符倍爻十八變之數。豈偶然哉。漢志詳言九六之義。精矣。康成與史記所說不同。西山曰。鄭氏之言。分寸審度之正法也。太史之言。便于損益而假設之權制也。吾謂自然之理。自然之數。一合無所不

合既可如此取之。亦可如彼取之。權制卽至理也。因

取諸說約爲一譜。黃鍾實九寸。子一分。

數起子得一分也。合記之。此

一卽當九寸。

黃鍾以九紀度法。

九絲爲毫。九毫爲釐。九釐爲分。九分爲寸。

以三

分損益爲生法。以三歷十二辰。得一十七萬七千一

百四十七。爲黃鍾之實。其十二辰所得數。在子寅辰

午申戌六陽辰。爲黃鍾寸分釐毫絲之數。

子爲黃鍾之律。寅爲

九寸。辰爲八十一分。午爲七百二十九釐。申爲六千五百六十一毫。戌爲五萬九千四十九絲。在亥

酉未巳卯丑六陰辰。爲黃鍾寸分釐毫絲之法。

亥爲黃鍾

之實。酉之一萬九千六百八十三為寸。未之二千一百八十七為分。巳之二百四十三為釐。卯之二十七為毫。丑之三為絲。徑圍之分。以十紀法天地之全數也。相生

之分。以九紀法。因三分損益。而用夫之奇數也。曰。孟康

鍾律長九寸。圍九分。以圍乘長。得積八十一。用十度為八寸一分。林鍾實六寸。丑三

分二。三其法為三分。兩其實為二也。此則一當三寸。三分子之實。得三以為

法。黃鍾下生。倍其三法。得六寸。為未之林鍾。取衝居

丑。子折二分。每分五萬九千四百十九。丑于三分得二。是十一萬八千九十八數。為林鍾六寸。以八十

一而三分損一。為二十七者三。取其二為五十四。生徵。管子三分益一。為百八。生徵半之。即五十四也。鄭

玄杜佑云。下生倍其實。爲十八。三分十八爲三股。得一股。亦六寸也。十度爲五寸四分。太簇實

八寸。寅九分八。三其法爲九分。四其實爲八也。此則一爲一寸。三分丑之實。

得二以爲法。林鍾上生。四其二法。得八寸爲太簇。以

一分。析爲九分。每分一萬九千六百零八十三。寅于

九分之中。得八。爲十五萬七千四百六十四。積八寸

爲太簇。三分丑數。每股三萬九千三百六十六。加

此數于丑數。一十五萬七千四百六十四也。五十

四而三分之。爲十八者三。益十八于五十四。爲七十

二。生商。管子三分百八。損一生商。亦七十二也。鄭云。

上生四其實。得二十四。爲法。三分二十四。南呂實五

而用一股。亦八寸也。十度爲七寸二分。南呂實五

寸三分。卯二十七分十六。三爲一寸。一爲三分。三分寅之實。得

卷之十一
十

二寸六分以爲法。太簇下生。倍其法。得五寸三分。爲

酉之南呂。取衝居卯。

三分寅數。每股五萬二千四百八十八。卯得二股。爲一十萬四

千九百七十六算。

七十二而三分之。爲二十四者

三。損二十四于七十二。爲四十八。生羽。管子三分益

一。爲九十六。生羽。半之。亦四十八也。鄭云。下生倍實。

得十六。爲法。而三其一。得三。以分其法。乃用十五。得

三者五。爲五寸餘一。爲三分寸

之一。十度爲四寸七分七釐。姑洗實七寸一分。辰

八十一分六十四。

九爲一寸。一爲一分。

三分其實。得一寸七分

爲法。南呂上生。四其法。得四寸二十八分。

內收二十七分爲三

寸。合計七寸一分。以爲姑洗。

三分卯數。每股三萬四千九百九十二。辰益一

股爲一十三萬九千九百六十八算。四十八而三分之。爲十六者三。益一爲六十四。生角。管子以三分九十六。損一生角。亦六十四也。鄭云。上生四其實。得六十四。爲法。而三其三。得九。以分其法。乃用六十三。得九者七。爲七寸餘一。爲九分寸之一。十度爲六寸四分九釐。應鍾實四寸六分

六釐。已二百四十三分一百二十八。二十七爲一寸。三爲一分。

一爲三釐。三分辰之實。得二寸三分三釐。以爲法。姑洗下

生。倍其法。得四寸六分六釐。爲亥之應鍾。居已。三分

每股四萬六千六百五十六。已爲二股。爲九萬三千

三百一十二算。六十四三分餘一。故五音止五。乃

以一爲九釐。爲五百七十六釐。而三分。每股一百九

十二。損一爲三百八十四釐。生變宮。鄭云。下生倍

其實得一百二十八為法。而三其九。得二十七。以分其法。乃用一百八。得二十七者。四為四寸。餘二十。為二十七分寸之二十。十蕤賓實六寸二分八釐。午度為四寸一分五釐四毫。七百二十九分五百一十二。八十一為一寸。三三為一分。一為一釐。

分已之實。得一寸五分二釐。以為法。應鍾上生。四其法。得四寸二十分八釐。內收十八分。為二寸。合六寸二分八釐。

為蕤賓。三分已數。每股三萬一千一百零四。半益一。為一十二萬四千四百一十六算。變宮三百八十四釐。而三分之。每股一百二十八。益一為五百一十二。生變徵。鄭云。上生四其實。得五百一十二。為法。而三其二十七。得八十一。以分其法。乃用四百八十六。得八十一者。六為六寸。餘二十六。為八十

一分寸之二十六。十度。大呂實八寸三分七釐六

毫。未二千一百八十七分一千二十四。二百四十三

十七。為一分。三為一釐。一為三毫。三分午之實得二寸八釐六毫。

以為法。蕤賓上生。四其法得八寸三十二釐二十四

毫。內收二十七釐。為三分。餘五釐。又收十八毫。為二釐。餘六毫。合之為丑之大呂。

居未。三分午數。每股四萬一千四百七十二。未損一

得二。為八萬二千九百四十四。又倍之。作十六

萬五千八百八十八算。變徵五百一十二釐。分三

股。股得一百七十。而餘二。此變聲所以止于二也。若

析釐為九毫。得四千六百零八毫。而三分之。損一得

一。為三千七十二毫。生大呂。鄭云。上生四其實得

一千四十八爲法。而三其八十一。得二百四十三。以分其法。乃用一千九百四十四。得二百四十三者八。爲八寸。餘一百四。爲二百四十三分。寸之一百四。十度爲七寸五分二釐八毫四絲。夷則實

五寸五分五釐一毫。申六千五百六十一分四千九

十六。七百二十九爲一寸。八十一爲一分。九爲一釐。一爲一毫。三分未之實。

得二寸七分二釐五毫爲法。大呂下生。倍其法。得四

寸十四分四釐十毫。

內收九分爲一寸。餘五分。又收九毫爲一釐。餘一毫。合爲

夷則。

三分未之原數。每股二萬七千六百四十八。而以八萬二千九百四十四。益一股。爲一十一萬

零五百九十二算。以三千七十二毫。而三分之。每股一千二十四。益一股。爲四千九十六毫。生夷則。

鄭云。下生倍其實得四千九十六爲法。而三其二百四十三。得九百二十九。以分其法。乃用三千六百四十五得七百二十九者。五爲五寸。餘四百五十一。爲七百二十九分寸之四百五十一。十度爲五寸零毫。夾鍾實七寸四分三釐七毫三絲。西一萬九千六

百八十三分八千一百九十二。二千一百八十七爲一寸。二百四十三

爲一分。二十七爲一釐。三爲一毫。一爲一絲。三分申之實得一寸七分

七釐六毫三絲爲法。夷則上生四其法得四寸二十

八分二十八釐二十四毫十二絲。內收二十七分爲三寸。餘一分。又收

二十七釐爲三分。餘一釐。又收十八毫爲二釐。餘六毫。又收九絲爲一毫。餘三絲。合爲卯之

夾鍾居酉

三分申數。每股三萬六千八百六十四。酉損一得二股。爲七萬三千七百二十八。倍

之爲十四萬七千四百五十六算。三分四千九十

六毫。每股一千三百六十五。而餘一。乃析毫爲九絲。

得三萬六千八百六十四絲。分三股。得一萬二千二

百八十八。酉損一得二股。爲二萬四千五百七十六

生夾鍾。鄭云。上生四其實。得一萬六千三百八十四

爲法。而三其七百二十九。得二千一百八十七。以分

其法。乃用一萬五千二百九。得二千一百八十七者

七爲七寸。餘一千七十五。爲二千一百八十七分寸

之一千七十五。十度爲六。無射實四寸八分八釐

寸六分九釐二毫六絲七忽。

四毫八絲。戌五萬九千四十九分三萬二千七百六

十八

六千五百六十一爲一寸。七百二十九爲一
分。八十一爲一釐。九爲一毫。一爲一絲。

三分酉之實得二寸四分四釐二毫四絲爲法。八鍾
下生。倍其法得四寸八分八釐四毫八絲爲無射。三
酉之原數每股二萬四千五百七十六。戌益一股爲
九萬八千三百零四算。三分二萬四千五百七十
六絲每股八千一百九十二。戌益一股爲三萬二千
七百六十八。生無射。鄭云下生倍其實得三萬三
千七百六十八。爲法而三其二千一百八十七得六
千五百六十一。以分其法乃用二萬六千二百四十
四得六千五百六十一者四爲四寸餘六千五百二
十四爲六千五百六十一分寸之六千五百二十四
九釐六毫三絲二忽。中呂實六寸五分八釐三毫四
絲六忽。亥一十七萬七千一百四十七分六萬五千

五百三十六萬九千六百八十三為一寸二千一百八十七為一分二百四十三為一釐

三為一絲二十七為一毫三分成之實得一寸五分八

釐七毫五絲六忽為法無射上生四其法得四寸二

十分三十二釐二十八毫二十絲二十四忽收十八分為二

寸又收二十七釐為三分又收二十合為已之中呂

七毫為三釐又收十八忽為二絲

居亥三分戌數每股三萬二千七百六十八亥損一得二股為六萬五千五百三十六倍之為一十

三萬一千零七十二算三分三萬二千七百六十

八絲每股一萬零九百二十二而餘乃析絲為九忽

得二十九萬四千九百一十二忽而三分之每股九

萬八千三百零四忽亥損一得二股為一十九萬六

千六百零八忽。生中呂。再三分益一。爲二十六萬二千一百四十四。爲黃鍾之變。此卽十六變倍爻之數也。再三分餘一。故十二藏十三。而中呂爲極數。若縷析之。六十律可也。鄭云。上生四其實。得十三萬一千零七十二。爲法。而三其六千五百六十一。得一萬九千六百八十三。以分其法。乃用十一萬八千九十八。得酉參者六。爲六寸。餘萬二千九百七十四。爲析寸之分。按鄭註。于午上生四其實。蓋四其一百二十八。爲五百十二矣。未又用上生四其實。爲二千四十八。申倍之。爲四千九十六。酉四之。爲一萬六千三百八十四。戌倍之。爲三萬二千七百六十八。故亥復四之。爲十三萬一千七十二也。更從亥上生四其實。爲五十二萬四千二百八十八。爲法。而三其萬九千六百八十三。得五萬九千四十九。以分其法。乃用四十七萬二千三百九十三。得戌參者八。爲八寸。餘五萬一千八百九十六。爲析寸之分。合生黃鍾之變。○蔡

以三分亥之實得二寸一分八釐七毫一絲五忽爲法。中呂上生黃鍾之變。四其法得八寸七分八釐一毫六絲二忽。蓋蔡本太史公法而以毫釐絲忽約之者也。十度中呂爲五寸九分二釐五毫一絲一忽。四獨呂覽言黃鍾三寸九分。李文利律呂元聲主之。

瞿九思實用編取之。其說曰。三十九分者黃鍾之律。陽之始也。由是四十八分爲大呂。又五十七分爲太簇。又六十六分爲夾鍾。又七十五分爲姑洗。又八十四分爲仲呂。九十分者蕤賓之律。陽之極也。由是八十一分爲林鍾。七十二分爲夷則。六十三分爲南呂。

五十四分爲無射。四十五分爲應鍾。子午者。陰陽之府也。黃鍾生陽。蕤賓消陽。二律縱爲經。十律橫爲緯。經以陰陽之升降言也。子午得天地之中。左右律之升降。皆不能過也。但律呂之數。紀陽不紀陰。故於蕤賓以下六律。不言陰之生。但紀其陽之降耳。黃鍾長三寸九分。以九六升。陽至蕤賓而極其長。蕤賓長九寸。以九六歸。陽至黃鍾而極其短。二律持其兩端。左右律莫不受法于二律。則經緯見矣。十律爲緯。亦有

二義。自其相對者言之。丑與亥對。寅與戌對。卯與酉對。辰與申對。巳與未對。蓋左五律紀陽之升。左皆爲陽。左比右各多三分者。陽道常饒也。右五律紀陽之降。右皆爲陰。右比左各少三分者。陰道常乏也。左右相對。雖差三分。而皆以同類爲偶。如丑亥皆四寸有奇。寅戌皆五寸有奇。卯酉皆六寸有奇。辰申皆七寸有奇。巳未皆八寸有奇。是也。左律分寸之數皆十二。如丑律四八之類。皆本於黃鍾之三九也。右律分寸

之數俱九。如未律八一之類。皆本于蕤賓之九也。非
緯而何。此是言其對待者。自其相衝者言之。寸數俱
一百二十。分數俱九。共成一百二十九分。丑未二律
一百二十九分。寅申二律。一百二十九分。卯酉二律。
一百二十九分。辰戌二律。一百二十九分。巳亥二律。
一百二十九分。者。卽黃鍾蕤賓之律。黃鍾三十九。蕤
賓九十。合之共一百二十九。可見二律爲經之義。此
是言其錯綜者。皆自然而然。不待安排。夫子午爲經。

左右爲緯。是以陰陽之消長而言一定之體也。若夫旋宮之制。按月用律。則十二律皆可爲經。如以黃鍾爲宮。則隔八相生。以林鍾爲徵。太簇爲商。南呂爲羽。姑洗爲角。應鍾爲變宮。蕤賓爲變徵。則爲經。徵商羽角。皆左右往來以爲之緯也。律爲經。莫不皆然。是又流行之用。而不可以執一論也。十二律雖分經緯。要之一黃鍾足以該之。黃鍾三寸。以三因之。十二律無非三也。黃鍾九分。以九因之。十二律無非九也。丑四

十八分。五九而餘其三也。三之則爲十六矣。寅五十七分。六九而餘其三也。三之則爲十九矣。卯六十六分。七九而餘其三也。三之則爲二十二矣。辰七十五分。八九而餘其三也。三之則爲二十五矣。巳八十四分。九九而餘其三也。三之則爲二十八矣。自丑至巳以三約之。皆無餘分。以九約之。每多三分者。左益三分也。未八十一分。九其三也。三之則爲二十七矣。申七十二分。九其八也。三之則爲二十四矣。酉六十三

分九其七也。三之則爲二十一矣。戌五十四分。九其六也。三之則爲十八矣。亥四十五分。九其五也。三之則爲十五矣。自未至亥以三約之。亦無餘分。以九約之。比左少三分者。右損三分也。此黃鍾之三九。所以爲十一律之本也。王廷相韓邦奇黃省曾駁之。黃積慶作樂律管見。王邦直作律呂正聲。皆宗之。按李瞿之說。其疑氣升與日準。何驟加乎。此言是也。然三分損益。九九旋十二。自天地間之一法也。至漢志律娶

妻。呂生子。聲原以易證之。隔八乃隔七也。既生之位。乃隔八耳。七日來復。正可互徵。凡爻極于六。周而復起爲七。晝夜寒暑陰陽。盡以六位相旋。至六則極。至七則變。故子月一陽生。四月六陽。而五月又一陰生也。十二辟卦。配十二月。律呂攷以乾坤十二爻。配十二律。則知黃鍾之子。與蕤賓之午。一陽交一陰。而生二陰。是爲林鍾。二陰交二陽。而生三陽。三陽交三陰。而生四陰。以至生十二。皆如之。曰律娶妻。呂生子者。

姑就其始言之也。

變宮變徵

國語。周景王問於伶州鳩曰。七律者何。韋昭註曰。周有七音。黃鍾爲宮。太簇爲商。姑洗爲角。林鍾爲徵。南呂爲羽。應鍾爲變宮。蕤賓爲變徵。按後漢志說與此同。此說蓋以黃鍾爲法。餘律並準此。淮南子曰。姑洗生應鍾。比於正音。故爲和。應鍾生蕤賓。不比於正音。故爲謬。通典曰。按應鍾爲變宮。蕤賓爲變徵。自殷以前。但有五音。自周以來。加文武二聲。謂之七聲。五聲

爲正。二聲爲變。變者和也。蔡西山曰。宮與商。商與角。徵與羽。相去皆一律。至角與徵。羽與宮。相去乃二律。相去一律。則音節利。相去二律。則音節遠。故角徵之間。近徵收一聲。比徵少下。故謂之變徵。羽宮之間。近宮收一聲。少高於宮。故謂之變宮。自宮九寸。三分損一。爲徵六寸。徵三分益一。爲商八寸。而不可分。故止三統。乃析一寸爲九分。共七十二分。三分損一。生羽四十八。三分益一。生角六十四。隔八下生。當得宮前。

一位以爲變宮。然其數三分之。各得二十有一。尚餘一分。不可損益。故五聲之正。至此而窮。若欲生之。則須更以所餘一分。析爲九釐。共爲五百七十六釐。三分損一。乃得三百八十四。生變宮。又自變宮。隔八上生。當得徵前一位。三分益一。得五百十二。生變徵。自此又當下生。而三分之。又餘二。此變聲所以止於二也。變宮變徵。宮不成宮。徵不成徵。古人謂之和繆。又曰。所以濟五聲不及也。變聲非正。故不爲調也。然有

五聲而無二變。亦不可以成樂也。先中丞周易時論曰。七音二變。在先天爲乾。坤艮巽之位。在後天爲坎離乾坤之位。本之孔子乾據始。坤正終之說。南方正用。而坤以成之。北方正始。而乾續終始之際。故乾當應鍾變宮。以轉黃鍾之坎。而離當蕤賓變徵。以交林鍾之坤。兌爲金商。而列位配羽。以接乾坎雙宮。土托亥子。以族商洗角。同歸二火。離坤之用。豈非微至之幾乎。至其旋用不據本位。八卦亦旋用不據本位也。

十二管旋相爲宮

禮運曰。五聲六律十二管。旋相爲宮。孔氏正義曰。十二辰各自爲宮。各有五聲。十二管相生之次。至中呂而變。凡六十聲。通典曰。五聲六律。旋相爲宮。其用之法。先以本管爲均。八音相生。或上或下。取五聲令足。然後爲十二律。旋相爲宮。若黃鍾之均。以黃鍾爲宮。鍾爲徵。林鍾上生太簇爲商。太簇下生南呂爲羽。南呂上生姑洗爲角。此黃鍾之調。姑洗皆三分之次。故用正律。若大呂之均。以呂爲宮。大呂下生夷則爲徵。夷則上生夾鍾爲商。夾鍾下生

無射爲羽。無射上生中呂爲角。此大呂之調也。中呂皆三分之次。故用正律之聲也。太簇之均。以太簇爲宮。太簇下生南呂爲徵。南呂下生姑洗爲商。姑洗下生應鍾爲羽。應鍾上生蕤賓爲角。此太簇之調也。蕤賓皆三分之次。故用正律之聲。夾鍾之均。以夾鍾爲宮。夾鍾下生中呂爲商。中呂上生黃鍾爲羽。黃鍾正律之聲長。非商三分去一之次。此用其子聲爲羽也。黃鍾上生林鍾爲角。林鍾子聲短。非中呂爲商之次。故還用林鍾正管之聲爲角。夾鍾之調有四正聲。一子聲。姑洗之均。以姑洗爲宮。姑洗下生應鍾爲徵。應鍾上生蕤賓爲商。蕤賓上生大呂爲羽。正聲長。非蕤賓三分去一之次。故用其子聲爲羽。是三分去一之次。大呂下生夷則爲角。夷則子聲短。非蕤賓爲商三分去一之次。故還用正聲爲角。此中呂之均。以中呂爲宮。中

呂上生黃鍾爲徵。正聲長。非中呂三分去一之次。故用其子聲爲徵。是其三分去一之次。黃鍾下生林鍾爲商。林鍾上生太簇爲羽。太簇正聲長。非林鍾爲商。三分去一之次。故用其子聲爲羽。亦是三分去一之次。太簇下生南呂爲角。此中呂之調。正聲三。子聲三也。蕤賓之均。以蕤賓爲宮。蕤賓上生大呂爲徵。大呂下生夷則爲商。夷則上生夾鍾爲羽。正聲長。非夷則三分去一之次。夾鍾下生無射爲角。子聲短。非夷則爲商之次。還用正聲爲角。此蕤賓之均。以林鍾爲宮。賓之調亦二子聲。三正聲也。林鍾上生太簇爲徵。太簇正聲長。非林鍾爲宮。三分去一爲徵之次。故用子聲。亦是爲徵三分去一之次。太簇下生南呂爲商。南呂上生姑洗爲羽。姑洗正聲長。非南呂三分去一爲羽之次。故用子聲。亦是去一之次。姑洗下

生應鍾爲角。應鍾子聲短。非南呂爲商之次。故還夷
用正聲爲角。此林鍾之調。亦子聲二。正聲三也。
則之均。以夷則爲宮。夷則上生夾鍾爲徵。夾鍾正聲
長。非夷則三分去一之次。夾鍾下生無射爲商。子聲短
徵。亦是三分去一之次。故還用正聲爲商。無射上生中呂
非夷則爲商之次。故還用正聲爲商。無射上生中呂
爲羽。中呂正聲長。非無射三分去一之次。故用子聲
爲羽。亦是三分去一之次。中呂上生黃鍾爲角。黃鍾
正聲長。非無射三分去一爲角之次。故南呂之均。以
用子聲爲角。夷則之調。正聲二。子聲三。南呂之均。南
呂爲宮。上生姑洗爲徵。姑洗正聲長。非南呂三分去
一爲徵之次。故用子聲爲徵。亦是三分去一之次。姑
洗下生應鍾爲商。應鍾子聲短。非南呂三分去一之
次。故用正聲爲商。應鍾上生蕤賓爲羽。蕤賓正聲長
非應鍾爲商之次。故用子聲爲羽。蕤賓上
生太呂爲角。正聲長。非應鍾爲商之次。故用子聲爲

角亦是三分去一之次。以此無射之均。以無射爲宮。南呂之調。正聲二。子聲三也。呂爲徵。中呂正聲長。非無射三分去一爲徵之次。故用子聲爲徵。亦是三分去一之次。中呂上生黃鍾爲商。黃鍾正聲長。非無射爲宮之次。故用子聲爲商。亦是其宮之次。黃鍾下生林鍾爲羽。林鍾正聲長。非黃鍾爲商三分去一之次。故用子聲爲羽。林鍾上生太簇爲角。太簇正聲長。非黃鍾爲商三分去一之次。故用子聲爲角。此無射應鍾之均。以應鍾爲宮。應鍾上之調。正聲一。子聲四。應鍾之均。生蕤賓爲徵。蕤賓正聲長。非應鍾三分去一爲徵之次。故用子聲爲徵。蕤賓上生大呂爲商。大呂正聲長。非應鍾爲宮之次。故用子聲爲商。大呂下生夷則爲羽。夷則正聲長。非蕤賓爲徵之次。故用子聲爲羽。夷則上生夾鍾爲角。夾鍾正聲長。非大呂爲商之次。故用子聲爲角。此應鍾之調。亦正聲一。子聲四也。此謂迭爲宮。

商角徵羽也。若黃鍾之律。自爲其宮。

爲夾鍾之羽。爲中呂之徵。爲夷

則之角。爲無射之商。此黃鍾之五聲也。

大呂之律。自爲其宮。

爲姑洗之羽。爲蕤賓

之徵。爲南呂之角。爲應鍾之商。此謂大呂之五聲也。

太簇之律。自爲其宮。

爲中呂之

羽。爲林鍾之徵。爲無射之角。爲黃鍾之商。此謂太簇之五聲也。

夾鍾之律。自爲其宮。

爲蕤賓之羽。爲夷則之徵。爲應鍾之角。爲大呂之商。此謂夾鍾之五聲也。

中呂之律。自爲

其宮。

爲夷則之羽。爲無射之徵。爲大呂之角。爲夾鍾之商。此中呂之五聲也。

蕤賓之律

自爲其宮。

爲南呂之羽。爲應鍾之徵。爲太簇之角。爲姑洗之商。此蕤賓之五聲也。

林鍾

之律。自爲其宮。

爲無射之羽。爲黃鍾之徵。爲夾鍾之角。爲中呂之商。此謂林鍾之五聲也。

夷則之律自爲其宮

爲應鐘之羽爲大呂之徵爲姑洗之角爲蕤賓之商此謂夷則

之五南呂之律自爲其宮

爲黃鐘之羽爲太簇之徵爲中呂之角爲林鍾之商

此謂南呂無射之律自爲其宮

爲大呂之羽爲夾鍾之徵爲蕤賓之角爲夷則之商

夷則之商此謂無射之五聲也

應鐘之律自爲其宮

爲太簇之羽爲南呂之商爲姑

洗之徵爲林鍾之角此謂應鐘之五聲也

所謂五聲六律十二管旋相爲

宮者也蔡元定曰按孔氏以本文但云五聲十二管

故不及二變而止爲六十聲今增入二變二十四聲

合爲八十四聲自唐以來法皆如此第一宮黃正林

正太。商。南。羽。姑。角。應。變宮。蕤。變徵。第二宮。林。太。

南。正姑。正應。正蕤。正大。第三宮。太。正南。正姑。正應。

正蕤。正大。正夷。正第四宮。南。正姑。正應。正蕤。正太。

夷。正夾。正第五宮。姑。正應。正蕤。正大。正夷。正夾。正無。

正第六宮。應。正蕤。正大。正夷。正夾。正無。正中。第七

宮。蕤。正大。正夷。正夾。正無。正中。正黃。變第八宮。大。正

夷。正夾。正無。正中。正黃。變林。變第九宮。夷。正夾。正無。

正中。正黃。變林。變太。第十宮。夾。正無。正中。正黃。變

林變

太變

南變

第十一宮無

正中

正黃

變林

變太

變

南

變

姑變

第十二宮中

正黃

變林

變太

變南

變姑

變

變

變

應

變

朱子曰

律呂有十二

用時用七

若更插一聲

便

拗矣

旋相爲宮

若到應鍾爲宮

則下四聲

都當低去

所以有半聲

亦謂之子聲

近時所謂清聲是也

舊曰

四清聲

本立以避陵慢

其實理勢

不得不如此

以七

聲而爲一調

以五調而當一曲

凡十二曲

六十調

四

百二十聲

其正者以正律全聲應也

其半者以正律

其正者以正律全聲應也

其半者以正律

其正者以正律全聲應也

其半者以正律

其正者以正律全聲應也

半聲應也。變半者。以變律半聲應也。其變者。以變律全聲應也。陽律爲宮。則商角皆陽。至變徵。則變而爲羽。陰徵爲陰。至變宮。又變而爲陰也。

候氣

候氣之法。見於司馬彪續漢書。曰。於密室中。以木爲案。置十二律琯。各如其方。實以葭灰。覆以緹縠。氣至則一律飛灰。范曄律曆志曰。爲室三重。戶閉塗墁。必周密。布緹縠室中。以木爲案。每律各一。內庫外高。從其方位。加律其上。以葭草灰。抑其半端。案曆而候之。氣至者灰去。其爲氣所動者。其灰散。人及風所動者。其灰聚。蔡季通曰。按律呂散亡。其器不可復見。然古

人所以制作之意。則猶可攷也。太史公曰。細若氣。微若聲。聖人因神而存之。雖妙必効。言黃鍾始於聲氣之元也。班固曰。天地之氣。合以生風。天地之風。氣正而十二律定。劉昭曰。吹以攷聲。列以候氣。皆以聲之清濁。氣之先後。求黃鍾者也。是古人制作之意也。夫律長聲濁。而氣先至。極長則不成聲。而氣不應。律短則聲清。而氣後至。極短則不成聲。而氣不應。此其大凡也。今欲求聲氣之中。而莫適爲準。則莫若且多截

竹以擬黃鍾之管。或極其短。或極其長。長短之內。每
差一分。以爲一管。皆卽以其長。權爲九寸。而度其圍
徑。如黃鍾之法焉。如是而更迭以吹。則中聲可得。淺
深以列。則中氣可驗。苟聲和氣應。則黃鍾之爲黃鍾
者信矣。黃鍾者信。則十一律與度量衡權者得矣。沈
存中曰。候氣唯隋志論之甚詳。其法先治一室。令地
極平。乃埋律琯。皆使上齊。入地則有淺深。冬至陽氣
距地面九寸而止。唯黃鍾一琯達之。故黃鍾爲之應。

正月陽氣距地面八寸而止。自太簇以上皆達。黃鍾大呂先已虛。故唯太簇一律飛灰。履按子月氣深。而黃鍾最長。故先得氣。似矣。然陽氣之升。月不能寸。而亥子二律相去三寸有奇。不知十月應鍾管四寸一分半。何以忽接十一月之九寸乎。蓋臆說也。黃佐曰。今欲求黃鍾律管。縱長周徑累積的實定數者。須依蔡氏說。先多截竹。以擬黃鍾之管。或長或短之內。每差纖微。各爲一管。以此諸管埋之地中。伺冬至時。驗

之。若諸管之中。有氣應者。卽取其管而計之。合于造化。自然非人力可爲。卽以此管分作九寸。寸作九分。分爲九釐。釐作九毫。毫作九秒。秒作九忽。以合八十一終天之數。及元氣運行。自子至亥。得十七萬七千一百四十七之數。凡用此管。三分損益。上下相生。由此。又取此管九寸作十分。分作十釐。釐作十毫。毫作十秒。秒作十忽。以合天地五位終於十之數。乃以十乘八十一。得八百一十分。以八百一十分。配九十分。

管。知此管長九十分。空圍中容八百一十分。卽十分管長。空圍中容九十分。一分管長。空圍中容九分。凡求度量衡由此。乃以此管面。空圍中容九分。以平方累法推之。知一分有百釐。釐有百毫。毫有百秒。秒有百忽。卽計一平方分。通有面累一萬萬忽。九平方分。通有面累九萬萬忽。乃以此九萬萬忽。依算經少廣章所載。宋祖冲之密率乘除。得圓周長的。計十分六釐三毫六秒八忽。萬分忽之六千三百一十二。又以

圓周求徑。計三分三釐八毫四秒四忽萬分忽之五
千六百四十五。又以半徑半周相乘。仍得九萬萬忽
內一忽弱。通得面羈如此。則黃鍾之廣與長。及空圍內積
實。皆可計矣。故面羈計九方分。深一分。管則空圍內
當有九立方分。深九方分。管計九寸。則空圍內當有
八百一十立方分。此即黃鍾一管之實。其數與天地
造化無不相合。此算法所以成也。算法既成之後。或
以竹。或以銅。別爲之。依其長。各作八十一分。以爲十

二律相生之法。又依其長。作九十分。乃取九十分之
分。計三分三釐八毫四秒四忽萬分忽之五千六百
四十五以合孔徑。如此。則圓長面幕。與夫空圍內積。
自然無不諧會矣。

累黍

班志曰。度起於黃鍾之長。以子穀秬黍中者。一黍之廣。度之九十分。黃鍾之長。一爲一分。十分爲寸。十寸爲尺。十尺爲丈。十丈爲引。量起於黃鍾之龠。以子穀秬黍中者。千有二百。實其龠。十龠爲合。十合爲升。十升爲斗。十斗爲斛。權起於黃鍾之重。一龠容千二百黍。重十二銖。兩之爲兩。二十四銖爲兩。十六兩爲斤。三十斤爲鈞。四鈞爲石。隋鄭譯。蘇夔。五代時王朴。宋

胡瑗李照之徒。以黍求律。皆本諸此。至房庶乃言嘗
得古本漢志。云度起於黃鍾之長。以子穀秬黍中者。
一黍之起。積一千二百黍之廣。度之九十分。黃鍾之
長。一爲一分。今文脫之。起積一千二百黍八字。故自
前世之來。累黍爲尺。以製律。是律生於尺。尺非起於
黃鍾也。且漢志云一爲一分者。蓋九十分之一。後儒
誤以一黍爲一分。其法非是。當以秬黍中者一千二
百。實管中。黍盡得九十分。黃鍾之長九寸。加一以爲

尺。則律定矣。范景仁是之。乃爲言曰。李照以縱黍累尺。管空徑三分。容黍千七百三十。則太長。胡瑗以橫黍累尺。管容黍一千二百。而空徑三分四釐七毫。則太短。是皆以尺生律。不合古法。今庶所言實千二百黍於管。隨其短長。斲之以爲黃鍾之長。就取三分。以爲空徑。則無容受不合之差。較前二說爲是。司馬君實與范景仁書曰。按累黍求尺。其來久矣。今景仁曰。房生家有漢書。異於今本。不知生所得書。傳於何世。

古今考異
而相承積謬。由古及今。更大儒甚衆。曾不寤也。又其書。旣云積一千二百黍之廣。何必更云一黍之起。此四字者。將安施設。劉子駿班孟堅之書。不空如此冗長也。且生欲以黍實中。乃求其長。何得謂之積一千二百黍之廣。必若所云。則爲新尺一丈二尺。得無求合其術而更戾乎。景仁曰。度量權衡。皆生於律者也。今先累黍爲尺。而後製律。反生於度與黍。無乃非古人之意乎。光謂不然。夫所謂律者。果何如哉。嚮使古

之律存。則歛其聲而知聲。度其長而知度。審其容而知量。較其輕重而知權衡。今古律已亡矣。非黍無以見度。非度無以見律。律不生於度。與黍將何從生耶。夫度量衡。所以佐律而存法也。古人所爲制四器者。以相參較。以爲三者雖亡。苟其一存。則三者從可推也。又謂後世器或壞亡。故載之於書。形之於物。夫黍者自然之物。有常不變者也。故於此寓法焉。今四器皆亡。不取於黍。將安取之。凡物之度其長短。則謂之

度量其多少。則謂之量。稱其輕重。則謂之權衡。然量有虛實。衡有低昂。皆易差而難精。不若因度求律之爲審也。房生今欲先取容一龠者。爲黃鍾之律。是則律生於量也。量與度。皆非律也。捨彼用此。將何擇焉。又律管至小。而黍粒體圓。其中豈無負戴死空之處。而欲責其絲忽不差耶。馬端臨曰。按古人言律。爲萬事本。度量衡皆由焉。律以和聲。度以審度。量以加量。衡以權衡。度有長短。量有大小。衡有輕重。雖庸愚之

人皆能知之。至律之於聲。其或雅或淫。或和或乖。則雖賢哲之士。不能遽曉。蓋四者之中。議律爲難。度或長或短。量或小或大。衡或輕或重。三物皆生民日用不可闕者。然以四海九州觀之。未有千里而同一度量。衡者也。以古往今來觀之。未有千年而同一度量。衡者也。蓋隨世立法。隨地從宜。取其適於用。而初無害於事。固不必盡同也。至律則差之絲忽。不能以諧聲。聲不諧。不足以爲樂。樂不和。不足以致治。蓋四者

之中。制律爲尤難。是以古人之於律。或求之於絲竹。伶倫之管。京房之準。是也。或求之於金石。編鍾編磬。鐃鍾。簠簋之屬。是也。雖曰假器物以求之。然心之精微。口不能授。性所解悟。筆不能書。假如有人。與后夔伶倫並世而生。亦豈能盡得其依律和聲之法乎。後之儒者。病樂之不和。議欲更律。而更律之法。或取之累黍。或求之古之度量。然累黍之法。漢制特以較度。鬲衡。所謂黃鍾之長。黃鍾之龠。黃鍾之重。云者。特以

明三物之與律相表裏耳。未嘗專言累黍以爲律也。至於古之度與量。則周鬴漢斛。與魏晉以來尺十有五種。相去且千年。其流傳至於今者。是乎非乎。不可得而詳也。儻其果爲古器。則不知造此器之時。其與虞朝之同律度量衡。周王之攷制度。果無纖毫之差乎。亦不可得而詳也。而方偃偃然於千百載之後。搜求古雅之器。於荒丘古墓之中。而自以爲得之。蓋亦疎矣。蓋律度量衡。雖曰相爲表裏。然至易曉者。度量

衡也。至難知者律也。隨時而變易。屢易而無害於事

者。度量衡也。

假如古者度短。量小。衡輕。後世度長。量大。衡重。則當其或短。或小。或輕之時。多

取之。或長。或大。或重之時。少取之。而斂散同此。一器何害於事乎。周取民之制什一。漢取其五。秦取其太半。蓋病在於重斂。一定而不易。易則害於樂者。律也。不必大其器也。

今失其難者。而反取則於其易者。失其不可易者。而

反取則於其屢易者。何哉。竊以爲必欲製律。必如杜

夔。荀勗。阮咸。張文收之徒。自有宿悟神解。

如聽牛鐸。而知其可

以諧音。聽玉磬。而知其爲閏月所造之類。

而後可以語此。如其不然。或專

求之於累黍。或專求之於周髀漢斛魏尺之屬。無異刻舟而尋劍也。李照胡瑗房庶之說。皆以黍求律者也。范蜀公力主房庶之說。以爲照以縱黍累尺。管空徑三分。容黍千七百三十。則太長。瑗以橫黍累尺。管容黍一千二百。而空徑三分四釐六毫。則太短。皆以尺生律。不合古法。今庶所言實千二百黍於管。以爲黃鍾之長。就三分則爲空徑。則無容受不合之差。較前二說爲是。累千百言。大要不過如此。愚請得而詰

之。夫古人之制律管。皆有分寸。如十二律管。皆徑三分。圍九分。黃鍾之管長九寸。自大呂以下。以次降殺是也。然則欲制律。必先定分寸。而古今之分寸。不可攷矣。是以隋書因漢制之說。以一黍爲一分。則是十黍爲一寸。分寸既定。然後管之徑圍可定。管之徑圍既定。然後律之長短可定。瑗與照雖有縱橫之異。然以黍定分。以黍之分。定管之徑圍。則一也。今庶旣盡闡縱橫之說。而欲以是千二百黍。亂實之管中。隨其

短長。斷之以爲黃鍾九寸之管。取三分以度空徑。則不知庶之所謂空徑三分之管。旣非縱黍之分。復非橫黍之分。則何以爲分乎。未有分寸不先定。而可以制律者。如庶之所謂分。旣非縱黍。復非橫黍。則必別有一物爲度。以起分。儻別有一物爲度。以起分。則只須以其三分爲徑。以九十分其長。爲黃鍾之管。爲律本。不因於黍矣。何煩實黍於管。又何煩於漢書中。增益八字。以求合千二百黍之數乎。此愚所以未敢以

爲通論也。古律以竹爲管。然竹有大小。其大者容千二百。不能以寸。其小者不及千二百黍。而盈尺矣。故必先以黍爲分。度之三分爲徑。然後實以千二百黍。則九十分其長爲黃鍾之管矣。愚雖不能曉鍾律。切意古人以黍定律。其法如此。履按胡李之說。是律起于度。房范之說。則是律起于量。溫公爭論。仍是律起于度。皆非也。律呂新書曰。後世不知求聲氣之元。而唯尺之求。晉氏而下。則多求之金石。梁隋以來。又叅

之秬黍。下至王朴。遂專恃累黍。而金石亦不復攷矣。夫金石真僞。固難盡信。若秬黍則歲有凶豐。地有肥瘠。種有長短。小大圓妥。不同。尤不可恃。况古人謂子穀秬黍中者。實其倫。則是先得黃鍾。而後度之以黍。不足則易之以大。有餘則益之以小。約九十黍之長。中容千二百黍之實。以見周徑之廣。以生度量衡權之數而已。非律生於黍也。百世之下。欲求百世之前之律者。其亦求之於聲氣之元。而毋必之於秬黍則

古今釋疑

得之矣。

周禮三宮無商唐宋二十八

周禮凡樂圓鍾為宮黃鍾為角太



姑洗為羽

面鍾為宮太簇為角姑洗為徵南呂為羽黃鍾為宮

大呂為角太簇為徵應鍾為羽鄭玄曰此樂無商者

祭尚柔商堅剛也賈公彥曰商是西方金故堅剛不

用沈括曰聲之不用商先儒以謂惡殺聲也黃鍾之

太簇面鍾之南呂皆商也是殺聲永嘗不用也所以

不用商者商中聲也

官生徵徵生商商生羽羽生角故商為中聲

陳賜樂

書曰。商爲金聲。而周以木王。其不用。則避其所尅而已。太師掌六律六同。以合陰陽之聲。皆文之以五聲。宮商角徵羽。則古樂之聲。闕一不可。周之作樂。非不備五聲。其無商者。文去而實不去故也。荀卿以審詩商爲太師之職。然則詩爲樂章。商爲樂聲。章之有商聲。太師必審之者。爲避所尅而已。與周之佩玉。左徵角。右宮羽。亦不用商同意。夫豈爲祭尚柔。而商堅剛也哉。履按此言皆牽合。通雅曰。五音統於宮。而備於

商人稱五音而曰宮商者。猶稱平上去入而止曰平
仄也。商徵相通。幾可推矣。周禮無商。蓋不用商而商
通於徵。卽角徵羽皆商也。別有清樂。曰清商曲辭。豈
廢角宮徵羽哉。唐樂志。俗樂二十八調。曰正。曰高。曰
中呂。曰道調。曰南呂。曰仙呂。曰黃鍾。是爲七宮。曰越
調。曰大食調。曰高大食調。曰雙調。曰小食調。曰歇指
調。曰林鍾。是爲七商。曰大食。曰高大食。曰雙。曰小食。
曰歇指。曰林鍾。曰越。是爲七角。曰中呂調。曰正平調。

曰高平調。曰仙呂調。曰黃鍾。曰般涉調。曰高般涉。是爲七羽。徐晏安書曰。俗樂調有宮商角羽。而無徵調。徵在商之中也。朱子曰。不特徵無。角亦無之。然惟太常樂爲然。宴樂依舊俱有。只是無徵調。無角調。非是無徵音。無角音。周禮無商。亦是無商調耳。履按段安昌樂府雜錄。二十八調。以平上去入紀之。有上平聲調。則爲徵聲。又曰。商角同用。而宮逐羽音。此依然五在四中耳。全賜序樂典曰。合奏之。羽比于角。徵流于

商宮羽中聲爲清角。商羽中聲爲流徵。移宮換羽。角必反宮。豈不徵哉。

俗樂

樂分雅俗。始於隋。吳萊曰。古雅樂。更秦亂已廢。漢世
惟采荆楚燕代之謳。稍協律呂。以合八音之調。不復
古矣。晉宋六代。多用吳音。及隋平江左。得清商樂。遂
謂爲準夏正聲。蓋俗樂也。履按。隋立清商署。以肄之。
乃分雅俗二部。雅部如梁之十二雅。用諸郊廟朝廷。
者是也。俗部十六調。正宮。黃鍾宮。中呂宮。南呂宮。至
唐增高宮。道調。仙呂。爲二十八調。宋卽因之。蓋有與

律呂同名。而聲不近雅者。其宮調乃應夾鍾之律。燕
設用之。蔡元定所謂燕樂是也。大抵俗部諸曲。悉源
於雅樂。後失其傳。而更爲妖聲豔詞。爾今十二月按
律樂歌曰。正月太簇本宮。黃鍾商。俗名大石。如萬年
春之類。二月夾鍾本宮。夾鍾宮。俗名中呂。如玉街行。
三月姑洗本宮。太簇商。俗名大石。如賀聖朝。四月仲
呂本宮。無射徵。俗名黃鍾正徵。如喜昇平。五月蕤賓
本宮。姑洗商。俗名中管雙調。如樂清朝。六月林鍾本

宮。夾鍾角。俗名中呂角。如慶皇都。七月夷則本宮。
呂。俗名中管商角。如永太平。八月南呂本宮。南呂
宮。俗名中管仙呂。如鳳皇吟。九月無射本宮。無射宮
俗名黃鍾。如飛龍引。十月應鍾本宮。姑洗徵。俗名中
呂正徵。如龍池宴。十一月黃鍾本宮。夷則商。俗名仙
呂角。如金門樂。十二月大呂本宮。大呂宮。俗名高宮。
如風雲會。卽取諸唐朱二十八調中也。按沈存中曰
十二律。並清宮。當有十六聲。今之燕樂。止有十五聲。

蓋本樂高於古樂二律以下。故無正黃鍾聲。只以合字當大呂。猶差高。當在大呂太簇之間。下四字近太簇。高四字近夾鍾。下一字近姑洗。高一字近中呂。上字近蕤賓。勾字近林鍾。尺字近夷則。工字近南呂。高工字近無射。六字近應鍾。下凡字爲黃鍾清。高凡字爲仲呂清。下五字爲太簇清。高五字爲夾鍾清。法雖如此。然此調殺聲不能盡歸本律。故有偏殺側殺。元殺之類。雖與古法不同。推之亦皆有理。知聲者當察。

言之。蔡西山燕樂書曰。黃鍾用合字。大呂太簇用四字。夾鍾姑洗用一字。夷則南呂用工字。無射應鍾用凡字。各以上下。分爲清濁。其中呂蕤賓林鍾。不可以上下分。中呂用上字。蕤賓用勾字。林鍾用尺字。其黃鍾清用六字。太呂太簇夾鍾清。各用五字。而以下上緊別之。緊五者。夾鍾清聲。俗樂以爲宮。此其取律寸律數。用字紀聲之略也。一宮。二商。三角。四變。爲宮。五徵。六羽。七閏。爲角。五聲之號。與雅樂同。惟變徵于十。

二律中陰陽易位。故謂之變。變宮以七聲所不及。取
閏餘之義。故謂之閏。四變居宮聲之對。故爲宮。俗樂
以閏爲正聲。以閏加變。故閏爲角。而實非正角。此其
七聲高下之略也。聲由陽來。陽生于子。終于午。燕樂
以夾鍾收四聲。曰宮。曰商。曰羽。曰閏。閏爲角。其正角
聲。變聲徵聲皆不收。而獨用夾鍾爲律本。此其夾鍾
收四聲之略也。宮聲七調。曰正宮。曰高宮。曰中呂宮。
曰道宮。曰南呂宮。曰仙呂宮。曰黃鍾宮。皆生于黃鍾。

商聲七調。曰大石調。曰高大石調。曰小石調。曰揭指
調。曰商調。曰越調。皆生於太簇羽聲七調。曰般涉調。
曰高般涉調。曰中呂調。曰平正調。曰南呂調。曰仙呂
調。曰黃鍾調。皆生于南呂。角聲七調。曰大食調。曰高
大食調。曰雙角。曰小石角。曰羯指角。曰商角。曰越角。
皆生于應鍾。此其四聲二十八調之略也。宋中興四
朝樂志序曰。竊考元定言燕樂。大要其律本出于夾
鍾。以十二律兼四清。而夾鍾爲最清。此所謂靡靡之

聲也。所收二十八調。本萬寶常所謂非治世之音。俗又于七角調。各加一聲。流蕩忘返。而祖調亦不獲存矣。履聞之。老父曰。古今皆時爲之也。聲音之微。難以辭顯。鄭譯訪七音。以蘇祇五旦而知之。萬寶常譏其聲太高。非譏其七調之法也。寶常改絲移柱。變爲八十四調。百四十四律。終于千八聲。試令爲之。應手成曲。其聲雅淡。不爲時好耳。豈謂七音四清可廢哉。今之簫笛。皆存七調。所謂尺上乙五六凡工也。尺生乙

六生上。上生凡。凡生乙。乙生工。工生五。五生尺。輕之重之。如十六之加清聲。此則可高可低。六字輕卽合字。五字輕卽四字。每一調則閉二字。閉凡上二字。則爲平調。閉尺乙。則爲正調。閉五尺。則爲梅花調。閉六尺。則爲絃索調。閉五工。則爲淒涼調。閉乙工。則爲背工調。閉六上。則爲子母調。是七正爲五用也。仲兄位伯曰。因聲之高下。而成七調者。氣遠則緩。緩則聲下。氣近則急。急則聲高。故簫笛六孔。爲六調。俱閉爲一。

調此所以成七調也。絲音則一絃亦具七調。况七絃二十五絃乎。十三調。二十八調。八十一調。非專指簫笛而言。可知矣。若九孔之管。十三孔之笙。卽不止七調也。故知十二律。旋相爲宮。不過閉此開彼而已。因調之高下。而成五音者。音雖高下。隔五必合也。如合四上尺工六五。而合與六。四與五。聽之雖有高下之分。而實同一孔。子母調。以合應六。以四應五。非明證乎。故琴瑟拍箏。能譜笛曲。金石草木。亦具五音。此天

地自然之數也。絲竹之樂可多可寡。有二十五絃之瑟。不廢七絃之琴。有四絃之胡。拍不廢兩絃之瑟。琴四樂齊奏。何嘗不合音律乎。可見十三孔之笙。九孔之管。方孔之笛。皆無異同。且八音合樂。尙能一聽。況同類乎。余故謂五音不可易。而七調不必拘也。

後世聲詩不傳

通志略曰。自后夔以來。樂以詩爲本。詩以聲爲用。仲尼編詩。爲燕享祀之時。用以歌而非用以說義也。古之詩。今之詞曲也。若不能歌之。但能誦其文而說其義。可乎。不幸腐儒之說起。齊魯韓毛四家。各爲序訓。而以說相高。漢朝又立之學官。以義理相授。遂使聲歌之音。湮沒無聞。然當漢之初。去三代未遠。雖經生學者。不識詩。而太樂氏以聲歌肄業。往往仲尼三百

篇。管史之徒。例能歌也。奈義理之說日勝。則聲歌之學日微。東漢之末。禮樂蕭然。雖東觀石渠。議論紛紜。無補於事。曹孟德平劉表。而得漢雅樂郎杜夔。夔老久矣。不肄習。得於三百篇者。惟鹿鳴。騶虞。伐檀。文王四篇而已。餘聲不傳。太和末。又失其三。李延年新得。惟鹿鳴一篇。每正旦大會。太尉奉璧。羣臣行禮。東廂雅樂常作者是也。古者歌鹿鳴。必歌四牡。皇皇者華。三詩同節。故曰工歌鹿鳴之三。而用南陔。白華。華黍。

三笙以贊之。然後首尾相承。節奏有屬。今得一詩。而如此用。可乎。應知古詩之聲。爲可貴也。至晉室鹿鳴一篇。又無傳矣。自鹿鳴一篇絕。後世不復聞詩矣。然詩者。人心之樂也。不以世之污隆而存亡。豈三代之時。人有是心。心有是樂。三代之後。人無是心。心無是樂乎。繼三代之作者。樂府也。樂府之作。宛同風雅。但其聲散佚。無所紀系。所以不得嗣續風雅而爲流通也。按三百篇。在成周之時。亦無所紀系。有季札之賢。

而不別國風所在。有仲尼之聖。而不知雅頌之分。仲尼爲此患。故自衛返也。問於太師氏。然後取其正焉。列十五國風。以明風土之音不同。分大小二雅。以明朝廷之音有間。陳周魯商三頌之音。所以侑祭也。定南陔。白華。華黍。崇丘。由庚。由儀。六笙之音。所以叶歌也。得詩而得聲者三百篇。則系於風雅頌。得詩而不得聲者。則置之。謂之逸詩。如河水所招之類。無所系也。今樂府之行於世者。章句雖存。聲樂無用。崔豹之

徒以義說名。吳兢之徒。以事解目。蓋聲失則義起。其
與齊魯韓毛言詩。無以異也。樂府之道。或幾乎息矣。
履聞之。老父曰。義自當明。然聲音之道。與政通。孔子
六經樂無其書。或以禮記之樂記當之。而樂不可見。
蓋詩三百篇皆樂也。吾自衛反魯。然後樂正。雅頌各
得其所。此謂雅音歸雅音之所。頌音歸頌音之所。彼
彼選詩炫才人之伎乎。關雎序曰。用之鄉人。用之邦
國。子聞其樂而歎之曰。關雎樂而不淫。哀而不傷。又

曰。關雎之亂。洋洋乎盈耳哉。非讚其詩詞之義也。此處不明。鄭聲淫。改爲鄭詩淫矣。履按夾際所論是矣。王新建亦主言音。然亦終不能知樂。豈惟三百篇。不知何以被之管絃。卽漢以來樂府。又能知其協律乎。唐多用七言律。如龍池樂章。王維渭城絕句。亦有數聲。謂之陽關三疊。今亦不能歌矣。惟所作長短句。如調笑令。菩薩蠻。六么。河傳等曲。至宋益盛。西江月。點絳脣等詩餘。尙可絃歌。金元又變爲北曲。如正宮端

正好。商調集賢賓。南呂一枝花。黃鍾醉花陰。中呂粉
蝶兒之類。依腔填調。一定不易。以便快口唱過。亦有
曲名。雖與宋同。而實異者。教坊歌之。其譜合四等字。
與雅樂同。今有南戲。則變極矣。

樂不在器

宋兩朝樂志論曰。世號太常爲雅樂。而未嘗施於燕
享。豈以正聲爲不美聽哉。夫樂者樂也。其道雖微妙
難知。至於奏之而使人悅豫和平。此不待知音而後
能也。嘗竊觀於太常。其樂縣鍾磬。塤箎搏拊之器。與
夫舞綴羽籥干戚之制。蓋皆倣諸古矣。逮擬作之。則
聽者不知爲樂。而觀者厭焉。豈所謂古樂。其聲真若
此哉。孔子曰。惡鄭聲。恐其亂雅。亂之云者。似是而非

也。孟子亦曰。今樂猶古樂。然今太常。獨與教坊樂音
殊絕。何哉。昔者李照。胡瑗。阮逸。改鑄鍾磬。處士徐復
笑之曰。聖人寓器以聲。不先求其聲。而更其器。其可
用乎。照。瑗。逸。制作久之。卒無所成。蜀人房庶。亦深訂
其非是。因著書論古樂與今樂。本末不遠。其大略以
謂上古世質。器與聲朴。後世稍變焉。金石鍾磬也。後
世易之爲方響。絲竹琴瑟也。後世變之爲箏笛。匏笙
也。攢之以斗。塤土也。變而爲阮。革麻料也。擊而爲鼓。

木祝歌也。貫之爲板。此八音者。與世甚便。而不達者。指廟樂。鐃。鐘。鐃。磬。宮。軒。爲正聲。而槩謂胡部俗部爲淫聲。殊不知大輅起於推轂。龍艘生於落葉。其變則然也。古者以俎豆食。後世易之以栝盂。古者簞席以爲安。後世更之以榻案。使聖人復生。不能舍栝盂榻案。而復俎豆簞席之質也。然則八音之器。豈異於此哉。孔子曰。放鄭聲。鄭聲淫者。豈以其器不若古哉。亦疾其聲之變耳。試使知樂者。由今之器。寄古之聲。去

其愆懲靡曼而歸之中和雅正。則感人心。導和氣。不曰治世之音乎。然則世所謂雅樂者。未必如古。而教坊所奏。豈盡爲淫聲哉。通雅曰。雅樂拘於漢宋之泥說。終已不復。而學者無以節宣。拘則疲循。局則大潰。愈溺于淫靡之俗樂矣。楊叔山告韓苑洛其槩也。夫元聲冒統也。節奏樂器。實事也。聲之中節。本自易簡。不過高下疾徐。錯綜而合節奏。爲調法耳。十五字。七調。五音。三等。不能違也。較今俗樂俗調。低二字爲正。

調卽雅樂矣。管色均絃。人聲依律。唐之絕句。皆入樂府。理學歌詩。止執一法。是則三百篇。不必旋十二律。非拘而何。聲音之故。微至之門。律度出於河洛。而未觀其通。祝歆所以節奏。而不知其用。又何言哉。黃鍾損益。猶之人身兩乳之尺度。各自爲長短。而不差者也。必待截管候氣乎。倫論天然。不限古今。惟神解者。乃可與言。

琴法

宋中興樂志論曰。八音之中。金石竹匏土木。六者皆有一定之聲。革爲燥濕所薄。絲有絃柱緩急不齊。故二者其聲難定。鼓無當於五聲。此不復論。惟絲聲備五聲。而其變無窮。五絃作於虞舜。七絃作於周文武。此琴制之古者也。厥後增損不一。宋朝始制二絃。以象天地。謂之兩儀琴。每絃各六柱。又爲十二絃。以象十二律。其倍應之聲。靡不必備。太宗因大樂雅琴。加

古今樂考
爲九絃。按曲轉入。大樂十二律清濁互相合應。大晟樂府嘗罷一三七九。惟存五絃。謂其得五音之正。最優於諸琴也。今復用太常琴制。姜夔樂議分琴爲三準。自一暉至四暉。謂之上準。上準四寸半。以象黃鍾之子律。自四暉至七暉。謂之中準。中準九寸。以象黃鍾之正律。自七暉至龍巖。謂之下準。下準一尺八寸。以象黃鍾之倍律。每一絃各具三十六聲。皆自然也。陳氏樂書曰。七絃之琴。溺於二變二少。以應七始之

說也。爲是說者。蓋始於夏書。而曼衍於左氏國語。是
不知夏書之在治忽。有五聲而無七始。豈爲左氏者。
求其說不得。而遂傳會之耶。宋朝太常琴制。其長三
尺六寸。三百六十分。象周天之度。絃有三節聲。自焦
尾至中暉爲濁聲。自中暉至第四暉爲中聲。上至第
一暉爲清聲。故樂工指法。按中暉第一絃黃鍾。按上
呂第二絃太簇。按上爲第三絃姑洗。按上爲第四絃
蕤賓。彈彈第五絃林鍾。按上爲第六絃南呂。按上爲
夷則。

第七絃應鍾

按上爲黃鍾清

凡此各隨鍾律彈之。莫不合中

呂之商。中太平之曲。非無制也。誠損二絃。去四清。合先王中琴之制。則古樂之發。不過是矣。沈氏筆談曰。唐人調琴之法。先以管色合字。定宮絃。乃以宮絃下生徵。徵上生商。上下相生。終於少商。凡下生者。隔二絃。上生者。隔一絃。取之。凡絲聲皆當如此。但今人苟簡。不復以管定聲。故其高下無法。出於臨時。朱子曰。按古人以吹管聲傳於琴上。如吹管起黃鍾。則以琴

九
徽
按

上者。隔二而得四聲。

宮與徵。商與羽。角與少宮。徵與少商。爲四。內角聲在九十間。四

之一。

按下者。隔一而得五聲。

少商與羽。少宮與徵。羽與角。徵與商。角與宮。爲

五。內角聲在九八

十徵。按上者。隔一而得五聲。

宮與角。商

間。四之一。少清。

與徵。角與羽。徵與少宮。羽與少商。爲五。內角聲在十一徵。少濁。按下者。隔二而得四

聲。

少商與徵。少宮與角。羽與商。徵與少宮。爲四。內角聲在十一徵。少濁。

每疑七絃。隔一

調之。六絃皆應於第十暉。而第三絃獨於第十一暉

調之。乃應及思而得之。七絃散聲。爲五聲之正。而大

絃十二律之位。又衆絃散聲之所取正也。故逐絃之

五聲皆自東而西相爲次第。其六絃會於十暉則一與三者角與散角應也。二與四者徵與散徵應也。四與六者宮與散少宮應也。五與七者商與散少商應也。其第三第五絃會於十一暉則羽與散羽應也。義各有當。初不相須。故不同會於一暉也。旋宮清調之法。旋宮古有隨月用律之說。今乃謂不必轉軫促絃。但依旋宮之法而抑按之。恐難如此泛論。當每宮指定各以何聲取何絃何唱。各以何絃取何律爲均。乃

見詳實。又以禮運正義推之。則每律各爲一宮。每宮各有五調。而其每調用律取聲。亦各有法。此爲琴之綱領。而說者罕。乃缺典也。當爲一圖。以宮統調。以調統聲。令賓主次第。各有條理。乃先作三圖。一各具琴之形體。暉絃尺寸。散聲之位。二附按聲聲律之位。三附泛聲聲律之位。列于宮調圖前。則覽者曉然。可爲萬世法矣。履按崔遵度琴箋曰。世之言琴者。必曰長三尺六寸。象朞之日。十三徽。象朞之月。居中者象閏。

前世未有辨者。至唐協律郎劉眘。以樂器配諸節候。而謂琴爲夏至之音。至于泛聲。卒無述者。愚嘗病之。因張弓附案。泛其絃而十三徽聲具焉。况琴瑟之絃乎。是知所謂徽象者。蓋天地自然之節耳。又豈止夏至之音而已。夫易有太極。是生兩儀。兩儀者。太極之謂也。四時者。兩儀之節也。律呂者。四時之節。晝夜者。律呂之節也。刻漏者。晝夜之節也。節節相受。自細至大。而歲成焉。節氣之自然者也。氣旣節矣。聲同則應。

既節且應。則天地之文成矣。文之義也。或任形而著。或假物而彰。日星文乎上。山川理乎下。動物植物。花者節者。五色具矣。斯任形者也。至于人有五性而不著。以事觀之。然後著。日有五色而不見。以水觀之。然後見。氣有五音而不聞。以絃攷之。然後聞。斯假物者也。是故聖人不作易。而能知自然之數。不作琴。而能知自然之節。何則。數本于一。而成于三。因而重之。故易六畫而成卦。及其應也。一必于四。二必于五。三必

十六焉。氣節相召。其應也必矣。卦旣畫矣。故畫琴焉。始以絃泛桐。當其節。則鏗然而號。不當其節。則泯然無聲。豈人力也哉。且徽有十三。而居中者一。一自中而左。泛有三焉。右泛有三焉。其聲殺而已。絃盡則聲減。及其應也。一必于四。二必于五。三必于六焉。節節相召。其應也必矣。易之畫也。偶三爲六。三才之配具焉。萬物由之而出。雖曰六畫。及其數也。止三而已矣。琴之畫也。偶六而根於一。一者道之所生也。在數爲

一。在律爲黃鍾。在音爲宮。在木爲根。在四體爲心。衆
微由之而生。雖曰十三。及其節也。三而已矣。卦之德
方。經也。著之德圓。緯也。故萬物不能逃其象。微六節
經也。絃五音。緯也。故衆音不能勝其文。先儒謂八音
以絲爲君。絲以琴爲君。愚謂琴以中微爲君。盡矣。夫
微十三者。蓋可聞者也。苟盡絃而考之。乃有二十三
微焉。是一氣也。丈絃具之。尺絃亦具之。豈有長短大
小之限哉。蓋萬物本於天地。天地本于太極。太極至

于無物。聖人本于道。道本于自然。自然至于無爲。樂本于琴。琴本于中微。中微本于無聲。是作易者。天地之象也。作琴者。天地之聲也。周易時論曰。宋分濁聲中聲清聲。卽姜夔上準中準下準也。文武者。言聲也。桓譚以爲文王。釋知匠以爲文王武王加。非也。陳暘則謂人溺於二變七始之說。七絃有害古制。則有所不知矣。

十三徽

朱子曰。琴之有徽。所以分五聲之位。而配以當位之律。以待抑按而取聲。而其布徽之法。則當隨其聲數之多少。律管之長短。而三分損益。上下相生。以定其位。太史公五聲數曰。九九八十一以爲宮。散聲三分去一。得五十四以爲徵。爲九徽三分益一。得七十二以爲商。爲十徽三分去一。得四十八以爲羽。爲八徽三分益一。得六十四以爲角。爲十一徽十二律數曰。黃鍾九寸爲宮。

琴長九尺而折其半故為四尺五寸而下生林鍾。林鍾六寸為徵為第九徽

徵外一尺五寸上生太簇。太簇八寸為商為第十三徽徵外五寸下生南呂。徵內四尺

南呂五寸一分為羽為第八徽徵外一尺八寸上生姑洗。姑洗

七寸一分為角為第十一徽徵外九寸下生應鍾。應鍾四寸

六分六釐位在八徽內二寸七分內二尺位在二尺蕤賓六寸

二分八釐位在十徽九徽之間內三尺一寸大呂八

寸三分七釐六毫在龍齧內二寸半內四尺二

五寸五分五釐一毫在九徽八徽之間內二尺八寸

半外一尺六寸半下生夾鍾。

夾鍾七寸四分三釐七毫三絲。為第十二徽。徽內三尺八寸。徽外七寸。下

生無射。無射四寸八分八釐八絲。在八徽內。徽內二尺五寸。徽外二尺。上生

中呂六寸五分八釐三毫四絲六忽。為第十徽。亦為角。徽內三

尺四寸。徽外一尺一寸。復生變黃鍾八寸七分八釐有奇。今少宮以下。即其半聲。為四寸三分八釐有奇

也。以上十二律。並用太史公九分寸法。約定周禮鄭注。以從簡便。凡律寸皆九分。分為九釐。釐皆九絲。絲

皆九忽。琴尺皆十寸。寸皆十分。今人殊不知此。其布徽

也。但以四折取中為法。蓋亦下俚立成之小數。雖於

聲律之應。若簡切而易知。但於自然之法象。惜不知

其所自來。則恐不免有未盡耳。履聞之。老父曰。從臨
岳至龍巖。平分爲中。卽第七徽。君徽也。從臨岳至中
徽。平分之爲第四徽。下半之十徽。亦然。此四分也。臨
岳至四徽。又平分之。卽第一徽。下半之十三徽。亦然。
此八分之一也。首尾有不用之位。猶之八卦用六卦
四分而用三也。乃以此大四分一者。卽臨岳至四徽
也。約而三之。去一不用。自臨岳順一徽下而盡之。爲
二徽。別以大四分一者。分之爲五。去四不用。自四徽

向上。盡之爲三徽。復以大四分一者。分之爲三。去二不用。自四徽比盡之爲五徽。復以此分而五之。去一不用。自三徽比下盡之爲六徽。定後六徽。猶前六徽也。可知全琴全中。而必以藏一用閏之徽爲中。君徽至臨岳。以中呂爲中。中呂至臨岳。以太簇爲中。其夾鍾姑洗蕤賓林鍾四徽。用泛調取定。下半如之。自此之外。不復有聲。蓋四徽以上。屬天。十徽以下。屬地。中之二分屬人。以人用寬。猶之十二辰。人居地。用自寅

至戌之九也。一徽以上。乃天之天。十三徽以下。乃地之地。此不用者也。總而言之。皆不用之用。用之不用也。聲非木與絲。皆木與絲也。以三百六十度爲琴身。合三百八十四全爻。測之。臨岳至一徽。得四十八爻。而度則四十五也。一徽至二徽。得十六爻。而度則十五也。二徽至三徽。得十三爻。而度則十二也。三徽至四徽。得十九爻。而度則十八也。四徽至五徽。得三十爻。而度則三十也。五徽至六徽。得二十六爻。而度

則二十四也。六徽至七徽得三十八爻。而度則三十
六也。八徽至十三。猶之七徽至一也。天統地統各用
四十八爻。共九十六。而人統專用一百九十二。以徽
內言之。則正用四分之三矣。通卦亦然。餘五度四之
一。則九十度內加一度半而縮耳。以八分之一者。分
爲三分。分得十五。爲一至二徽之節。故損三分而爲
三徽。益六分而爲四徽。又益十二爲三十。則五徽也。
損六爲二十四。則六徽也。又益十二爲三十六。則中

徵也。曰三十六。曰二十四。曰三十。曰十八。曰十二。曰十五。皆數中節合之至要者。琵琶三絃皆用十三。簫笛皆用十二之半。音與數適當其叶。豈非自然之符耶。十二律損益亦自然聲數中節也。但九寸自起。猶之丈絃尺絃皆十三徵七泛耳。

合止祝歌

郭璞云。祝如漆桶。方二尺四寸。深一尺八寸。中有椎柄。連底撞之。令左右擊。歌如伏虎。背上有二十七鉏鋸。刻以篋。櫟之。篋長一尺。以木爲之。其用之也。樂之初。擊祝三聲。以合之。樂之末。憂歌三聲。以止之。爾雅曰。所以鼓祝謂之止。所以鼓歌謂之篋。自馬融。鄭玄。李循。鄭樵。其說皆然。白虎通曰。祝歌者。終始之聲。唐六典。協律郎執麾舉麾。鼓祝而樂作。偃麾憂歌而後

止通雅曰。總由泥解。尙書之合止。祝歌耳。以諸儒之論。歷代之用。則祝歌之于樂也。前後共六聲而已矣。有此理哉。此爲悞解。合爲始。合解止爲終止也。合止者。合而止之。一字一轉。或數止焉。節之謂也。吾觀時樂得之矣。時之度曲。可以使人人一律者。板爲之也。板有眼。故加節焉。十番之奏。一板二魚。皆以木爲之。取其音清直。不爲衆樂所掩。夫祝歌之聲。猶是也。非若金石之鏗鏘。革之闐鞀。絲竹之嘹唳。綿長也不過。

搥櫟相擊。砉然而止。正如板魚。用爲節奏。曲之遲疾。視此爲準。拊雅之聲。近乎拉風。悄然以輔。祝歌之間。此度曲之所爲大視小視也。祝歌不得其用。復有春牘拊相。諸器重叠以補之。春官教春。牘如祝小春。謂之應。以應大春。所倡之節。又云。牘以應祝。則祝非三聲而畢。可知矣。牘以竹爲之。殺聲使小。以節樂。歛背亦用竹。取其聲脆。此一證也。房庶辨李照胡瑗說曰。金石鍾磬也。而變爲方響。絲竹琴簫也。而變爲箏笛。

木祝歌也。貫之爲板。由今之器。寄古之聲。皆可也。此又一明証矣。貴與亦編九拍版。六拍版。于祝歌之後。言胡部以爲樂節。蓋以代拊。唐人或用之爲樂句。宋以檀若桑木爲之。豈亦祝歌之變體歟。是亦疑之矣。吾嘗聞殿庭之樂。琴瑟設而不作。不覺慨惜。此豈特後儒之過哉。六琴設而不作。亦以不知板眼也。琴曲中有入慢。則有趨。可知矣。今之獨彈琴者。猶度清曲也。使其引喉轉。以意長短。不合拍按。豈可聽乎。琴

與瑟合。遂與六琴六瑟合。遂與衆樂合。皆恃拍按之
節以一之。若專以靜遠緩細爲高。無復板眼。則竟可
隨意長短。是焉能與衆樂合耶。人之用聲。聲有常止。
止以更氣。止以言乎齊也。

古今釋疑卷之十一終